

مجموعه ابوالضیا

ماسواشایب سندن دلی تطهیره چالش
پر تو حکمت و عرفان ایله تنویره آتش

قانون و معارفدن بحث ایدر . و هر ماه عربی ابتداییه اون پشده نهمر اولنور .

نومرو ۱ [قی ۱۵ رمضان سنه ۱۲۹۷] نسخه سی ۳ قروش

مجموعه مركز طبع و نشری حقنده معارف نظارت جلیله سندن اعطا
بیوریلان رخصتنامه رسمینک صورتیدر

{ نظارت معارف }

« ابوالضیا توفیق بك افندی فنون و معارفدن بحث ایلك و اون پش كونده بر چیشاروق اوزره
(مجموعه ابوالضیا) نامیله بر رساله موقوفه تك منبع و نشرینه رخصت اعطاسی استدا ایتمش اولمغه
قطعا بولمقیقه مسائلنه تصدی ایتمك و ممالك بحروسه شاهانده قانوناً طامخش اولان ادیان و آداب
عمومییه مغایر مباحثدن اجتناب ایلك و هر جزوئك نشرنده ایکی نسخه سی تألیف و ترجمه دائره سنه
اعطا ایلك شرطیله میر میری ایله اشبو رخصتنامه اعطا قلدی . »
قی ۹ شعبان ۱۲۹۷
(نظارت معارف عمومیه)

اصحاب مطالعه یه

مجموعه لفظی هر درلو تعریفدن مستغنی در . چونكه مجموعه دنیلجه
هر شیئی جامع بر مجله اولدینی وهله ذهنه تبادر ایدر .
اگرچه منحصراً بر فقه متعلق مجموعه دل دخی کورلمکده ایسه ده
آنلر کده متعلق اولدقاری موادی ناطق بر رصفت کاشفیه سی واردر؛ مثلاً
قنون طبیعه دن باحث بر اثره مجموعه طبیعه اطلاق کی .
بز ایسه اثر مرزده بر شیدن دکل بر چوق شیدن بحث ایلك عزیزنده
بولند یغمز ایچون علی الاطلاق مجموعه نامی اختیاری مقصده ده موافق
بولدق .

پروغرامن ایسه شودر :

ادبیاتدن بحث ایلیه جکز ؛ فقط ادبیات درسی اعطا ایتمیه جکز .

حکمیاتندن بحث ایلیه جکز؛ فقط فلاسفه نك اړینه اقتفا ایتمه جکز .
اعتقادیاتندن بحث ایلیه جکز؛ فقط عقاید نامنه جدل وغوفا ایتمه جکز .
ریاضیاتندن بحث ایلیه جکز؛ فقط آرشید کې اجراسنه امکان اولیان
محالاتی ولو فرضیات علمیه یولنده اولسون ادعا ایتمه جکز .

طبیعیاتندن بحث ایلیه جکز؛ فقط بحثلرمزی طبیعیون کې فیاض کل
طبیعت اولق اساسی اوزرینه بنا ایتمه جکز .

سیاسیاتندن بحث ایلیه جکز؛ فقط غزته ل کې پولیتیکه مسائلنی سرمایه
ابتدا واته ایتمه جکز .

اسباب حفظ صحتندن بحث ایلیه جکز؛ فقط وصایامزده تقلید اطبا
ایتمه جکز .

تاریخنن بحث ایلیه جکز؛ فقط سلسله وقایع امی ضبط ایله مؤرخلکه
اجرا ایتمه جکز .

لسمزدن بحث ایلیه جکز؛ فقط بحثلرمزی مثلاً «اماترین» اغلالی
ویا خود او یله بر کله نك ترجمه حالی کې لغواته فدا ایتمه جکز .

صنایعدن، بدایعدن، اختراعاتندن، کشفیاتندن، حاصلی هر درلو
شوناندن بحث ایلیه جکز؛ مباحثمزده ایسه مطمح نظرمن خلقك توسیع
معلوماتی قضیه سی اولدیغندن مناع للخیر کریوه سنده طولاشانلرك یعنی
صلصل ایکن بلبل کورینه جك طاقك طوتدیغمن طریق خدمت ومعرفندن
انصراف غرضیه وقوع بوله جق آوزه طعننی اصغا ایتمه جکز .

مؤخذاته متعلق مباحثده بولسه جفز؛ شو قدر که عباره ایپارنده
جانبازلق ومیدان سخنده لافردازلق اجرا ایتمه جکز .

یعنی ادبیاتندن غایت مقصود اولان تربیه فکریه ووجدانیه به فصل
وسائط وصورله اتصال ممکن ایسه او وسائط وصورى بلا تقید وتعصب
اختیار ایده رك مثلاً بر (چبلاق قادین) ترکیبنی ایشته ل استخیا سر
بزمین حجالت اولوبده صکره (چشم عشاقه قارشی صوك نقابنی دخی

کشاد ايله عرض اندام لطافت و دعوت شغف و اشتها ايدن حسياته حرت
شطارتله حواله بدن اجابت ايليان نازنده (کي تر کيلري موضوع موقع
اعتبار و تقدير ايدن الفاظ پرستان ادبي مقلد اولمقدن اتقا ايده جکر .
حاصلي درست دوشنوب، درست سويلکه و خدمتزدن مخدومز اولان
ملته حصه استفاده افرازينه اعنا ايليد جکر .

هر کارده اجل اسباب توفيق خدا اولديغندن درعهده ايلديکمز
وظيفه بي ايفايه موفقيتن دخی حق تعاليدن مستدا و وسائل ظاهره نك
اقدمي اولان رغبت و حمايت جناب پادشاهی ايسه غايه ممتاز .
فی غره شعبان ۱۲۹۷ ابوالضيا توفيق

مطبوعات

(باخود ، تاريخ اوراق حوادث)

ترقيات مدنیه نك مؤثر سائقه سی ادبیات و ادبیاتك ك قوتلی
واسطه سی مطبوعاتدر . مطبوعاتك ايسه انواع عديده سی اولوب ك نافع
واك مبدولی و هله خبرت و سرعت جهتيله ك مهمی غزته دنیلان
نشر یاندر .

معلومدر كه مدنیت حاضرده كوریلان كالك سبب اصلیه سی باصمه نك
ظهوریدر ، چونكه اختراعات بشر ك اشرفی اولان بو صنعت جلیله بر
آغزدن چیقان سوزی دنیاك هر طرفنه نشره و ساطت ایلدیکی جهته
باصمه نك ایجادندن بری معارف بشر - بحق معارف بشر اطلاقه کسب
لیاقتله - عموماً افراد بشر آره سنده تعم و انتشاره بر طریق سهولت پیدا
ایلدی . بناء علیه اقوام فاضله نك دور کالی و تعبیر آخرله مدنیت حاضره نك
مبدأ استکمالی طباعتك تاریخ اختراعیدر .

طباعتك ایجادندن اول بر تألیف مهمی ادینه بیلک اکثر ناس ایچون بر